

## XVII Feirón Mariñeiro



*"A Feira de 1922"*

*Rianxo, 15 de setembro de 2022*

### Normas de participación

#### NORMAS DE AMBIENTACIÓN

- Ambientación mariñeira ou de época segundo o tema da feira, que é o Rianxo, vila mariñeira, de primeiros do século XX.
- Vestimenta antiga ou mariñeira (**non medieval!**), ao igual que os elementos decorativos.
- Valoraranse especialmente os produtos relacionados co mar.
- Evitaranse particularmente elementos de plástico, con publicidade, ou de outras épocas.
- Evitar totalmente as **bolsas de plástico**. Débense procurar outros medios de entrega dos produtos.
- Quedan excluídos, asemade, os **vasos, pratos e cubertos de plástico**. Deberase optar por outros materiais desbotables biodegradables ou reciclables, como o cartón ou a madeira, ou reutilizables, como o vidro ou o metal.

#### NORMAS DOS PRODUTOS DE ARTESANÍA

- Os produtos expostos deben ser de orixe artesanal e elaborados ou finalizados artesanalmente pola persoa ou taller que solicita a participación na feira.
- Pódense facer excepcións ao punto anterior para certos negocios ou tendas especializadas que expoñen produtos de terceiros se o motivo se xustifica en base á natureza do produto (libros de segunda man...), do negocio (distribución autorizada dunha marca...) ou outros parámetros. En todo caso, estas solicitudes terán menor prioridade.
- Pódense admitir decoracións exóticas contemporáneas á ambientación do feirón, sempre que o tipo de produto ou actividade o xustifique, en semellanza aos mercaderes viaxeiros.

#### NORMAS ADMINISTRATIVAS

- Debes ter capacidade legal para a exposición e/ou venda do teu produto (empresa, autónomo, carta ou permiso de artesán, venda ambulante...).
- Debes ter un seguro de responsabilidade civil que cubra posibles accidentes e danos.
- En todo caso, cada participante é responsable de ter en regra todos os permisos e licenzas que permitan a venda ambulante, a actividade económica, a distribución de produtos alimenticios, etc., así coma todos os seguros que poda precisar para o exercicio da súa actividade.
- A organización non se fará responsable do incumprimento de leis ou normas por parte dos participantes, debendo asumir estes as consecuencias das posibles irregularidades cometidas.

- Para deixar constancia de todo isto, debes cubrir a **declaración responsable** (anexo II) e traela o día da feira, se fostes admitido/a.
- Como excepción particular, aquelas persoas **veciñas do municipio de Rianxo** que, sen ser profesionais, fan artesanía e queren participar, teñen unha vía aberta mediante a colaboración coa Asociación A Moreniña.

#### COMO PARTICIPAR

- Insíbete en [festasdaguadalupe.gal](http://festasdaguadalupe.gal) **antes do 15 de agosto**.
- Agarda á publicación da listaxe de admitidas que se publicará na web o 22 de agosto.
- As persoas non admitidas e as inscritas fóra de prazo pasarán a formar parte da listaxe de agarda.

#### QUEN PODE PARTICIPAR?

- artesáns profesionais
- artesáns afeccionados do termo municipal de Rianxo
- titulares de talleres, negocios ou comercios especializados

#### O DÍA DA FEIRA

- O día da feira, trae contigo a declaración responsable e unha copia da documentación, por se se che require, e amósaa no **punto de control e información** antes de montar.
- **A falta da declaración responsable asinada ou da falsidade dos datos é motivo de exclusión.**
- Abona o donativo por participación no punto de control e información.
- **Apertura ás 11.30 h** da mañá. Todos os postos deberán estar montados a esa hora.
- **Peche: a partir das 21.00 h** e ata a hora que se desexe. **Non se permitirá circular vehículos polo recinto ata esa hora.** No caso de gran afluencia de xente, adiarase a hora de peche un tempo prudencial.

## PUNTO DE CONTROL E INFORMACIÓN

- Todas as participantes deberán pasar polo punto de control e información antes de empezar a montar (podedes facelo co vehículo).
- Estará situado dende as 7.00 h ata as 11.30 h á entrada do Feirón, nos xardíns da Ribeira, a carón do busto de Castelao (ver mapa).



## **Anexo I**

### **CATEGORÍAS**

#### **1. Postos de artesanía**

Por posto de artesanía enténdese aquel que expón produtos manufacturados e os ofrece á venda con ánimo de lucro.

Requirimentos de participación:

- o artesán deberá traer o seu propio posto
- Donativo mínimo: 10 € por metro lineal frontal ou fracción
- Nota: os postos cun fondo maior de 2 m (sen o tellado) terán máis dificultade para atopar espazo

Valorarase:

- carta de artesán ou outros certificados de autenticidade
- premios e recoñecementos
- demostración do traballo no posto durante a exposición
- participación en anteriores edicións do Feirón
- ambientación e decoración do posto

#### **2. Talleres**

Por taller enténdese aquel posto de artesanía no que o artesán está a demostrar en vivo o proceso de manufactura dun produto, e cobra por realizar tal demostración.

Adicionalmente, pode vender o produto manufacturado.

Requirimentos de participación:

- se realiza o taller de balde, estará exento do abono do donativo
- se cobra por realizar o taller, a organización estudará a proposta

#### **3. Obradoiros**

Un obradoiro é un posto no que se invita ao público a participar activamente na elaboración dun produto artesanal, cunha duración máis ou menos continuada ao longo do día.

A organización estudará as propostas e decidirá en base ao interese do obradoiro e ao orzamento dispoñible.

#### **4. Postos con produtos gastronómicos**

Enténdese aquel que expón ou elabora produtos alimenticios e os ofrece para a súa venda ou consumo no momento.

Un caso especial destes postos son as tabernas, que responden a unha filosofía esencial de "viño e tapa", e réxense por unhas normas distintas (ver o apartado específico).

Requirimentos de participación:

- o artesán deberá traer o seu propio posto
- donativo mínimo: 10 € por metro lineal frontal ou fracción (casos particulares)
- documento de alta do negocio ou de autónomos
- carné de manipulador de alimentos ou licenza análoga da persoa responsable do posto.

Valoraranse:

- carta de artesán ou outros certificados de autenticidade
- premios e recoñecementos
- elaboración "in situ" dos produtos
- orixinalidade do produto
- xestión de residuos e materiais utilizados

#### **5. Animación**

Por animación enténdese unha actividade dirixida á diversión do público, ben musical, teatral... e non á venda dun produto.

A organización estudará todas as propostas, en base ao interese pola proposta e o orzamento existente.

#### **6. Taberna**

Enténdese un tipo de posto especial que serve ao público produtos para o consumo no momento ao estilo dunha taberna tradicional, baixo a filosofía do "viño e tapa".

O número de tabernas autorizadas estará limitado polo espazo dispoñible certa concentración máxima.

A organización estudará e valorará as solicitudes presentadas en base a uns parámetros que se deberán facer constar nunha proposta á hora da inscrición.

Requirimentos

- Todos os produtos servidos nas cantinas deben ser de orixe artesanal ou manufacturado. Porén, deberán ter demostradas as condicións sanitarias esixibles legalmente, polo que o seu envasado, precintado e/ou etiquetado debe ser o adecuado.
- Non se admiten, polo tanto, produtos de fabricación industrial como licores de alta graduación.
- As excepción aos requirimentos anteriores son as seguintes: augas minerais, cervexas a presión, elaborados a partir de refrescos: calimotxos, sangrías... e tamén se permitirán augas e refrescos para as crianzas, pero estes elementos non deberán estar visibles ao público, para evitar rachar co ambiente do feirón.
- As persoas que manipulen alimentos deben dispor do carné de manipulador de alimentos ou documento análogo que as habilite.
- Tratarase de disimular todos os elementos eléctricos necesarios, coma cociñas, xeeiras, billas... de forma que queden o máis ocultos posible de cara o público.
- No caso de utilizaren elementos eléctricos, é necesaria a emisión dun **boletín eléctrico** da instalación.
- Todas as tabernas establecerán mecanismos dirixidos a reducir a cantidade de lixo producida. Valorarase moi positivamente a recolección periódica por parte dos responsables dos residuos xerados arredor da taberna.
- Evitar totalmente as **bolsas de plástico**. Débense procurar outros medios de entrega dos produtos.
- Non se poderán utilizar **vasos, pratos e cubertos de plástico**. Deberase optar por outros materiais desbotables biodegradables ou reciclables, como o cartón ou a madeira, ou reutilizables, como o vidro ou o metal. Existen estes produtos a prezos moi baixos.
- Donativo mínimo: 120 € por participación

Valoraranse:

- a especialización dos produtos ofrecidos
- a orixinalidade e adecuación ao ambiente do feirón
- que todos os produtos ofrecidos sexan de elaboración artesanal ou propia
- a finalidade sociocultural dos organizadores e a divulgación da actividade social que realizan
- a achega de animación propia ao feirón (música, baile, teatro...)
- a orixinalidade do mobiliario e do espazo, especialmente evitando no posible que o espazo semelle unha "barra"
- os mecanismos de redución de residuos, tanto nos soportes nos que se serven os produtos, como pola limpeza periódica dos arredores da taberna
- a utilización de envases tradicionais ou substitutivos que os imiten
- a participación previa no feirón e a antigüidade

## Anexo II

### Modelo de declaración responsable

Nome:  NIF

Empresa:  NIF

DECLARO, baixo a miña responsabilidade, que:

- Os datos consignados nesta declaración responsable son certos.
- Lin e acepto as bases de participación.
- Dispoño ou vou dispor dun seguro de responsabilidade civil que cubra os posibles danos pola participación no Feirón Mariñeiro de Rianxo.
- Teño en regra todos os permisos e licenzas que me permiten a actividade económica e todo o preciso para o exercicio da miña actividade no Feirón Mariñeiro de Rianxo en perfectas condicións legais.
- Teño á disposición da organización e das autoridades copias da documentación necesaria no caso de que se me requira para a súa comprobación.
- Son responsable do cumprimento das leis e das normas e asumirei as consecuencias ante posibles irregularidades cometidas.
- Son consciente de que a organización non será responsable do incumprimento das declaracións aquí expresadas.

Lugar e data:

Sinatura: